



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კილამურა



კილამურა

კილამურა, კლდის ძირტკბილა (Polypodium), მცენარე ნამდვილი გვიმრების ოჯახიდან. მსოფლიოში ამ გვარის 150 სახეობაა გავრცელებული. საქართველოში 2 სახეობა გვხვდება – კლდის ძირტკბილა (*P. vulgare*) და სამხრეთის კ. (*P. australe*). კლდის ძირტკბილას ფოთლები შემოდგომაზე უვითარდება, მაგრამ ზაფხულში ჭკნება. იზრდება ტყის სარტყელში, ღრმა, ტენიან და ჩრდილიან ხეობებში, ხის ტოტებზე, ხავსიან კლდეებზე, ქვებზე. გავრცელების არეალია აფხაზეთი, სამეგრელო, იმერეთი, გურია, აჭარა.

სამხრეთის კ-ს ფოთლები გაზაფხულზე უვითარდება და გვიან შემოდგომამდე რჩება. ფოთლის ფირფიტა მოხაზულობით მეტწილად მოგრძო-ლანცეტაა, მისი სეგმენტები მეტ-ნაკლებად კიდემთლიანია. იზრდება ტყის ყველა სარტყელში, კლდეებზე, ქვებზე. გავრცელებულია თითქმის მთელ საქართველოში.

გ. ნახუცრიშვილი
